



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**De Vita Et Institvto S. Ignatii Societatis Iesv Fvndatoris.  
Libri Qvinque**

**Bartoli, Daniello**

**Lvgdvni, 1665**

XXV. Nauta spreto, lusoque Ignatio naufragus.

**urn:nbn:de:hbz:466:1-10840**

numinis timore eiici Palæstina posse ; es vero inquit , Prouincialis , offensurus , si meo iniuissu remanseris , proferebatque Pontificium diploma , quo potestas Fratribus siebat arcendi ab sacris , quos ipsis inuitis sua illic pertinacia tenuisset . Sed absque diplomate , dicto plus satis persuasus iubenti morem gerit Ignatius , & qui amicis in Europa valedixerat paulo ante , Christo sibi valedicendum quodammodo sub discessum putant . Clam se itaque ab sociis subducens , nullo viæ duce , aut contra Turcas defensore in collem recurrit oliuarum , veneratus denuo mente , & osculis impressa faxo adscensuri in cœlum Christi vestigia ; & cultello ab custodibus transitum exorauit , inde vterius audenti Sacratum Bethphage adire , succurrit ex Christi vestigiis ab se minimè obseruatum , quam in mundi obuersus partem Christus è terris ascendisset ; igitur in Oliuetum regreditur , & datis custodi quæ sibi supererant forciculis , sanctam explet curiositatem . Inter hæc Patres Franciscani deesse Ignatium numero ut vident , suspicati quod erat , Armenum destinant Cœnobij famulum , qui eum reduceret ; is in Oliueti iam descensu sibi obuiam factum , barbarè excipit , intentatōque sæpius baculo , corruptum brachio , in cœnobium raptat ; nullo ad hæc Ignatij vel motu animi , vel sensu : Nam ad primum Armeni occursum , Christum in aëre viam præeuntem , sequentem perpetuò vidit , quoad in hospitium peruenisset . Sic naui consensa discedens e Palæstina Ignatius , & suos illic amores reliquit , & spem secum retulit eò reuertendi :

## |XXV.

*Nauis spre-  
to , insisque  
Ignatio nau-  
fragus.*

*Greg. l. 1.  
dim.*

Exscendentibus in Cypro , præsto sunt tres naues quæ Venetas soluerent . Turcica vna . Secunda Veneti mercatoris egregiè instructa . Tertia cuiusdam exigua , & quassæ : in Venetam fere vectores confluere , quod contrâ discrimen hibernæ nauigationis tutiores irent : instare ex illis aliqui , & nauarchum rogare , vt Dei amore Ignatium quoque admitteret , cui nihil ad nauium suppeteret , sed esset apud Deum diues , cœterum sciret hominem verè sanctum se naui vecturum . Si sanctus , ait ludens Nauarchus , quid sancto naui opus ? siccis pedibus mari inambulet , ac miraculo aquas premat , quasi liceat sanctis pro libito quod semel Petro licuit Christi iussu ; aut mergi non possint , etiam nauigando , si Paulus ter naufragium fecerit , nam cum viriusque virtus , dispar fuerit in miraculo , utriusque tamen meritum dispar non est in cœlo . At nauis infirmæ , ac tenuis Nauarchus , nec auarum sapiens , nec stultum locutus , rogantem Ignatium , sine mora propter Deum exceptit , qui suum utriusque Nauarcho præmium non diu distulit . sub auroram tres illæ fœderatae naues , plenis velis in altum ferruntur , cursu ad solis occasum prospero , tunc enim saua coorta tempestate subrui momento totum mare , dissipati tres naues , Turcica miserè cum vectebus forberi ; Veneta dum in terram molitur , prope Cyprum allisa saluis tantum vectebus deprimi ; postrema illa ægra , & exilis quæ Ignatium portabat & diu laborans , & sæpe aquis haurienda , sed Deo magis quam Nauarcho regente , in Appulia confedit , vnde instaurata tertio tandem mense Venetas renuit anno 1524 . Ex quibus didicit scurilis Nauarchus quassos etiam lembos , si sanctos tulerint , esse validis nauibus

uibus tutores, quæ sanctorum grauentur contemptore.

Iam fracto conatu, iuuandarum in Palestina animarum circumspice-  
re Ignatius coepit, quo & modo & loco, hinc in dies ardentius flagran-  
ti animo pabulum præberet. Sed obtiabat talia versanti tacita quædam  
vox, nihil ei satis in eo genere processurum, nisi solide ab literis munito,  
quibus prædicatio verbi Dei, & animarum procuratio fulciretur; quod  
fuit principium eius viæ qua illum Deus ad Societatem postea fundan-  
dam, sensim inducebat; ad hoc enim illum & legerat & sanctum effe-  
cerat. Hoc instinctu Barcinonem redit vbi nec ad victimum piorum subisdia  
defutura sperbat, nec magistrorum caritatem ad doctrinam, hyems erat  
perfrigida, ipse ex peregrinatione incommodè valens, & sub tunicella, te-  
la simplici malè tectus, vt non crederetur per densas niues, & montes  
asperos, vita incolumi Genuam peruenturus; imperare tamè sibi non  
potuit, vt amicorum officiosa humanitate veteretur, nisi breui tantum ac  
vili panno, quem conduplicaret labanti stomacho, ad sedandos illius  
cruciatus; Nummulos vero sed hac lege aliquos admisit, vt in egentes di-  
uideret. Quare Ferrariæ in templo maiori Deum orans, roganti Eleemo-  
synam mendico dedit, tum aliis atque aliis minuta primum æra; Roma-  
nòs deinde ad quiudecim Iulios, quæ cum alter vt fit ateri ostentaret, cir-  
cumstetere mox tam multi, vt eum penitus exhaurirent. Vnde succeden-  
tibus alii excusauit nihil iam aut iis, aut sibi restare. Mirum turbæ illi fa-  
melicæ visum, fame ac frigore enectum, esse vsque adeo sui immemo-  
rem, vt erogandi in poscentes omni pecunia nihil inde sibi reliquum fa-  
ceret, & post mentem orando satiatam, victimum eius diei ostiatim roga-  
ret. Hinc illum pro sancto habere, sanctum & digito monstrare, & palam  
nominare. Fuit itineris residui multiplex discrimen inter Hispanum, &  
Gallum militem, per loca vtriusque deprædationibus vastata. Noctes illi in  
aliquo domus euersæ busto, malè ab gelu, & pluviis tecto; stipis vbi di-  
repta omnia, nulla spes. Captus identidem ab excurrentibus in agros ma-  
nipulis, semel etiam ab Hispanis tentus, pro exploratore creditus est ro-  
garisque minaciter quis? quo? quid ageret? aut ferret? detractis ad scruti-  
andum ecquid literarum occuleret vestibus, nudus plane vt erat per me-  
dia tentoria ad Ducem pertrahitur. Ibat Ignatius inter publica ludibria, &  
probra lætus, eaque Christo nostra olim causa ad infamem columnam  
talia perpresso offerebat, cui mysterio tam viua mentem imagine defixit,  
vt se quid fieret diu non aduerterit, donec tam fœdæ indignitatis patien-  
tiam non ferens Dæmon, saeuo illum timore concussit; rem ultra igno-  
miniam nuditatis, scilicet ituram; speculatorum credi ab hoste submis-  
sum; datum iri ad diram quæstionem, vt extorqueretur, num quæ ferre  
arcana vtque hinc viuis fortassis euaderet; sed neque carcerem, nec cala-  
mitos vexationes vitaturum; prudenter itaque periculum bonis artibus re-  
dimiceret; hominem gereret tantisper, quis esset cælare ne pergeret, vrba-  
nitatibus consuetis deliniret ducem, condignis saltem titulis honestaret.  
abstineretque plebeia illa tu, & tui compellatione, quam simplicitatis,

XXVI.  
Redux Bare  
cinem dat  
liseris ope-  
ram us ro-  
ximos iu. et,  
Demon id  
consilium in-  
terurbat.

probæ